

8) *Octavo quæro, an Clericus qui dum laicus esset, ex causa homicidii à iudice laico ad certum tempus in exilium damnatus, postquam fuerat cum eo, ut si exilium non servaret, incidere in penam tritremium & durante tempore exilii prima tonsurâ initiatus, Ecclesiasticum beneficium adeptus, exilium deinde non servavit; & hinc de causa novissime inquisitus, iustique secularis iudicis in carcerem coniectus opponit exceptionem fori declinatoriam; sit remittendus ad iudicem Ecclesiasticum, nec ne. Magna fuit opinionum varietas apud antiquos Doctores in eo articulo, an laicus, qui post delictum commissum effectus est Clericus à seculari iudice coerceri & puniri possit: Sed hæc opinionum discordia sese omni collapsit autoritate Joan. Andr. hic qui tradidit theoreticam quam postea Doctores ferè omnes secuti sunt, videlicet: Ut si Ordinem quis susceperit sine ulla fraude, id est, antequam fuerit conventus in foro seculari, Clericatus eum estimat à quacunque jurisdictione iudicis laici tam quoad personam, quam quoad bona. Quod primum membrum optimè nititur fundamentis, ut fuscè ostensum est supra in prima & tertia questione & extat in his terminis *conf. 4.* Oldrali ab omnibus approbatum. Sin autem Ordines susceperit postea quam fuit conventus in curia seculari & sic in fraudem iudicis præveniens, tunc Clericatus non estimat quoad processum & instantiam finiendam & realiter exequendam; sed tantummodo quoad personalem distinctionem, ut sic laicus præveniens remaneat Iudex cause, sed non persone; nisi persona sit præventa, quia tunc Clericatus non impedit, quin Iudex laicus possit pro illo crimine Clericum delinquere, & punire etiam pœnâ corporis afflictivâ. Ita in effectu distinguit hic Joan. Andr. *num. 19. vers. Puto quod in civili.* Cujus distinctionem integrè reallumit Marian. Socin. *in cap. Proposui numer. 52. in fin. vers. Undè ex omnibus prædictis de foro competet.* pro ut hæc omnia nos fuscè explicavimus supra in 4. quæst. à num. 21. usque ad num. 77. Verùm si Clericatus assumptus fuerit ante maleficium commissum, nemo dubitat quin cognitio pertineat ad iudicem Ecclesiasticum; constat enim apud omnes à seculari potestate Clericos discuti & iudicari non posse: idque constitutum esse tum ordinatione Divina, *cap. Si Imperator, 96. dist.* Concilium Tridentinum *cap. 20. sess. 25.* Tum canonicis sanctionibus, ut *cap. 1. & 2. & cap. Si diligenti de foro competet. cum simil.* tum etiam Imperialibus Constitutionibus, ut in *Aut. Statuimus, cap. De Episc. & Cleric. & in Authen. Ut Clerici apud proprios Episcopos col. 6.* Quamobrem in casu dubii propositi cum inspecto tempore sententiæ & delicto homicidii Clericatus fuerit assumptus & beneficium acquisitum post delictum; & ne dum post præventam causam & personam, sed etiam post condemnationem executam, inspecto autem tempore transgressionis, Clericatus fuerit susceptus, beneficiumque receptum ante delictum: videndum est quòd tempus attendatur. Et certè videri attendendum hoc tempus posteriùs exilii non observari. Quia in re habemus expressam decisionem Alberici in *l. Meminisse, ff. De offe. Proconsul. n. 5.* qui in casu converso proposita questione de Officiali Tolosano qui Clericum ad tempus relegaverat, reservata sibi pœna duplicatonis, si ante tempus reverteretur; Eo interim laico effecto ob viduum in uxorem disclam & ante tempus reverti respondet novum Iudicem: id est, secularem vindicare debere quia agitur de novo factò & de nova conditione per-*

sonæ. Quam opinionem Alberici non est cur improbare debeat, tum quia magna est ejus autoritas, cum in hac re non habeat contradiccionem; tum quia illam in terminis nobis secutum est Neapolitanum consilium, teste Vincent. de Franch. *dey. 209.*

Nec obstat quòd pœna tritremium sit imposita in priori sententiâ jam lata & executâ quoad exilium; & sic exilio non servato videatur posse cognoscere Iudex prior, cum ad Iudicem pertineat suam sententiâ legitime latam tueri, lege *1. ff. Ne vis fiat ei qui in possessione:* quâ ratione glossa in *cap. Quærenti de Officio Delegati* in verbo *ad integrum,* sentit Delegatum cujus iurisdictione est certis limitibus circumscripta: etiam post latam sententiâ, si victus inquietat victorem inducitur in possessionem: posse de injuria hujusmodi cognoscere; licet enim, inquit, sit nova injuria: tamen sequela est præcedentis; & secundum Antonium de Butrio, prior Iudex potest cognoscere tanquam de connexo: argumentum legis *Cuicumque, §. penultimo, ff. De institutione actuum.* Hoc inquam, non obstat; nam responderetur posse quidem tunc Delegatum competere contradictores, sed non sumendo sibi ordinariam cognitionem quam soli Iudici ordinario relinquere debet, ut ibidem glossa declarat & Doctores omnes post eum tradiderunt. At nos agimus de ordinaria cognitione que requiritur ad condemnandum Clericum ad tritremes, ob non servatum exilium: quod exigit plenam & exactam sui Iudicis cognitionem; ideoque novus Iudex cognoscere debet: argumentum legis *Si mater, §. 2. ff. De exceptioni rei judicatis.* Responderetur secundo in casu glossæ, agi tantummodo de novo factò; sed in casu nostro agimus de novo factò & nova conditione personæ: ut ibidem per Alberum; & ideo non est mirum, si ad posteriorem Iudicem pertinet cognitio. Est igitur ab Ecclesiasticis respondendum pro Ecclesiastica Jurisdictione, quod etiam seculares Iudices jam deciderunt. Die 14. Novembris 1609. propositò supra scripto dubio in Sacra Congregatione Concilii: Patres unanimiter extiterunt hunc Clericum remittendum esse ad Iudicem Ecclesiasticum; ad idem est etiam exigenda esset ratio ab ejus Ordinatore, cur illum ordinaverit: ut potè ex homicidio irregulari; & sententiâ Iudicis secularis actum in exilium: quod tempore Ordinationis adhuc durabat. Consultus tamen visum est priùs obtinere remissionem & postea de actione Episcopi in Congregatione iterum agere. Itaque Decretum in hac forma editum est: Sacra Congregatio Cardinalium Concilii Tridentini Interpretum, se diligenter perpensa, censuit hunc Clericum ante transgressionem exilii promotum; Ecclesiasticumque Beneficium adeptum, remittendum esse ad Iudicem Ecclesiasticum.

Uterius postea dubitari, an Iudex Ecclesiasticus, secutâ remissione teneatur stare sententiæ contra hunc Clericum latæ in foro seculari, dum ipse laicus esset; & cogere eum ad servandum tempus exilii; ac etiam punire ob exilii transgressionem, pœnâ tritremium. In qua questione Velasc. *tomo 1. consilii. Regni Portugal. consilium. 44.* sentit non teneri stare; sed demò cognoscere debere. Contrarium tradidit Bartolus in lege *cum quædam, ff. de jurisdictione omnium Iudicum;* & Stephanus Auzerius in præallegato tractatu *de potestate seculari super personas Ecclesiasticas, regulâ 1. sententiâ 11. num. 30.* sed quia hoc est extra dubium: poterit Episcopo cui facta est remissio, relinquere deliberandum.



DE BIGAMIS NON ORDINANDIS

Lucius III. Spal. Archiepiscopo.

CAPUT II.

Super eo, quòd tua fraternitas de bigamis requisivit: Respondemus quòd ordinatores eorum potestate & officio ordinandi & ordinati, si ad sacros ordines fuerint promoti, eis idèò sunt privandi, quia in bigamis contra Apostolum dispensare non licet, ut debeant ad sacros ordines promoveri, vel in eis, si promoti fuerint, remanere. In ordinatore autem potest dispensatio adhiberi, ut ordinandi potestate & officio non privetur.

SUMMARIUM.

- 1 **B**ignamus quamvis ordinari non debeat, tamen si secus fiat, characterem recipit.
- 2 Episcopus ordinari bigamum quee pœnas incurrat, & num. 44.
- 3 Suspendus ab ordinum executione est capax pœnâ depositionis ab ordine.
- 4 Bigamus quâ ratione sit irregularis, & num. 10.
- 5 Dispensatur facultas cum ordinante bigamum, quàm cum ordinatio.
- 6 Culpa delictur per penitentiam, irregularitas secus, & numer. 9.
- 7 Dispensare non potest Episcopus cum bigamo in sacris Ordinibus.
- 8 Episcopi non dispensant contra Apostolum.
- 9 Criminius post peractum penitentiam incipit esse, quod non erat.
- 10 Bigamus ordinari prohibetur non propter culpam sed propter Sacramenti defectum.
- 11 Papa dispensare potest cum bigamo ad omnes sacros ordines.
- 12 Papa quamvis in articulis fidei dispensare non possit, in aliis tamen potest, ut in iuramento, & voto.
- 13 Bigamia non est adjuncta irregularitas jure naturali, sed positivo.
- 14 Papa dispensat in omni constitutione Ecclesiæ.
- 15 Papa an, & quando dispensare possit contra Apostolum.
- 16 Papa est major Apostolo administratione.
- 17 Nec Pauli, nec Petri Constitutionibus adstringitur, sed Dei.
- 18 Papa non dispensat cum bigamo de potestate ordinaria, sed absoluta.
- 19 Dispensare an possit Episcopus autoritate ordinaria cum sibi subdito vero bigamo ad primam tonsuram, & beneficia simplicia & num. seqq. usque in finem.
- 20 Quid si dispenset, & tonsuram, ac beneficium conferat quas pœnas collator, & collatarius incurrant, & num. 44. & seqq.
- 21 Pro sententiâ affirmativa referantur autoritates Theologorum.
- 22 Et Canonistarum n. 28.
- 23 Afferantur fundamenta pro eadem sententiâ affirmativa.
- 24 Intellectus cap. Lector. 34. dist. & num. 32. vers. Ad primum igitur.
- 25 Episcopus dispensat cum illegitimo.
- 25 Item cum Diacono, qui Matrimonium contraxerat.
- 26 Item cum Monialibus, & Monachis, qui nubendo bigamiam contraxerunt.
- 27 Apostoli prohibito super bigamia, de quibus ordinibus intelligatur.
- 29 Referuntur Auctores pro sententiâ negativa.
- 30 Theologorum, & Canonistarum conciliatio.
- 31 Bigami omni privilegio Clericali nudati sunt, & sub anathemate prohibentur tonsuram, vel habitum Clericalem deferre.
- 32 Episcopus an possit ex necessaria causa contra generale Concilium dispensare, & num. 40.
- 33 Inferior à Papa non dispensat contra præceptum Apostoli.
- 34 Papa potest jure ordinario super bigamia dispensare. Episcopus non dispensat contra Canonem etiam non Conciliarem statuentem per verbum, non potest, ibid. vers. Adjunct etiam.
- 35 Dispensatio contra Concilium censetur prohibita, eo ipso quòd non reperitur concessa.
- 36 Dispensatur facultas in delictis quæ penitentis tolluntur, quam in defectibus, qui durant etiam post Baptismum.
- 37 Episcopus cur dispenset cum illegitimo, & non cum bigamo.
- 38 Bigamia irregularitas cur inducatur.
- 39 Ordines omnes sunt unum Sacramentum.
- 40 Episcopus quo casu possit super bigamia dispensare. Dispensatio nulla concedi debet sine justa causa, ibidem vers. Cæterum.
- 41 Clerici conjugati non sunt adhibendi in ministeriis Ordinum, nisi cum deficient Clerici calibes.
- 42 Episcopus an possit cum bigamo dispensare ad beneficia simplicia.
- 43 Bigamus ordinatus ab Episcopo ad primam tonsuram non habet ordinis executionem, nec est capax beneficii.
- 44 Pœna suspensionis inflicta Episcopo bigamum ordinanti, an sit lata sententiæ, vel ferenda.
- 45 Ignorantia juris valde dubii, & intricati, an excuset Episcopum à pœna.
- 46 Opinionum diversitas in aliquo articulo excusat à contemptu & à pœna.

Super eo. Cum bigamo, qui ordinatus est ad sacros, non dispensatur, & ordinari privabitur potestate ordinandi, nisi cum eo fuerit dispensatum. Hoc dicit. Primò recitat consultationem. Secundo dat responsum, ibi, respondeatur. Vel divide in quatuor partes, ut per Cardin. & Joan. de Anan.

Nota primò bigamum, quamvis ordinari non debeat, tamen si secus fiat, characterem recipere, ut clarè probat hæc littera, ibi, sunt privandi; nec non ibi, remanere: nam quòd Fagnan. in *l. Lib. Decretal.*

modo privati, & remanere possent, si Ordines non recepissent. Id ipsum patet in *c. Quicumque penitentis, quicumque bigamus 50. dist. ibi, in hoc quo invenitur ordine perpetuâ stabilitate permaneat, & tenet hic glossa magna in fin. Innocent. n. 1. in ver. Dispensare, Butr. num. 3. & 7. Anchar. num. 2. & ceteri omnes, Sanctus Thomas in 4. dist. 27. q. art. 3. Silvelt. in ver. Bigami num. 7. Rotâ decis. 1. de bigamum in novis, & decis. 50. num. 3. & plenius decis. 50. n. 6. par. 5. recent. & coram Greg. XV. decis. 516. n. 8. & se-*

Clericus & Professus, ut notat Joan. Andr. in c. unie. num. 19. Et quia dicitur de Clerico procedant in processu supra de abbat. ad ratio.

Quod secundum vero difficultatem Bonaguidi, alias Boatinus Doctor antiquus in c. 1. sup. eod. opinatus est Sacerdotem, qui cum vidua Matrimonium contraxit esse omni Clericali privilegio nudatum ac posse per iudicem secularem coerceri. Et gloss. ult. in c. Si Sacerdos. 24. dist. dicit Subdiaconum qui secundum uxorem duxit de Jure communi, perdere privilegium Clericale sed loquitur secundum illud tempus quo Subdiaconatus non existimabatur esse inter Sacros Ordines, ut ille notatur; & aliter Sorus in 4. sententia, distinctione 23. quod. 3. art. 3. quod etiam lenit Navarrae conf. 3. incipiente Quidam ex illis...

Tertio quæro, an dispositio hujus Decretalis vendicat sibi locum in Clerico minorum Ordinum vel laico, qui cum vidua vel corrupta de facto propter aliquod impedimentum dirimens Matrimonium contraxit & eam cognovit, addo ut exinde bigamie irregularitatem incurrat.

validè contrahens cum corrupta incurrat irregularitatem & hinc Jura, quæ contrahentibus de facto hanc penam infligunt, loquantur de Clerico ad sacros ordines promoti, ut inferius dicitur.

Secundo omnis bigamia, vel est vera vel interpretativa vel similitudinaria, secundum Speculat. in tit. dispensat. §. Jurata num. 6. & fusiùs ostensum est supra n. 2. Hoc autem casus non adest bigamia vera, quia talis non contrahit valide cum duabus successivè, cap. Acutus & cap. Deinde 26. dist. neque interpretativa, quia non contrahit cum duabus invalidè vel cum una validè & cum alia invalidè, ut in c. Nuper supra eod. nec cum corrupta validè; ut in c. Maritum 33. dist. neque similitudinaria, quia non contrahit de facto cum unica & virgine post vocem solemne facti Ordinis vel Religionis, ut in c. Quotquot 27. q. 1. & ita per hæc fundamenta concludit Navarrae conf. 1. quod incipit, Quidam laicus hoc tit. & idem firmat in Man. c. 27. n. 195. ubi etiam testatur licet nuper conclusum fuisse in sacra Penitentiaria, & eidem sententia, postea adherentem Gregor. de Valen. in 4. par. disp. 7. qu. 19. punct. 3. in prima specie irregularitatis, & Sanchez alios recentiores adducens de Matrim. disp. 84. num. 11. Et tenendo hanc partem non obstat secundum Navarrae hæc Decretalis, quia non loquitur de Clerico minorum Ordinum, sed de Subdiacono qui per susceptionem sacri Ordinis Subdiaconatus obligatur voto solemni quo contrahit spirituale Matrimonium cum Christo, ut c. Annullis supra de stat. & qual. juncto c. unico de voto lib. 6. unde potest contrahendo licet de facto aliud Matrimonium carnale, bigamie penam incurrit, ut hic. Que ratio non viget in Clerico minorum ordinum vel laico: qui priùs nullum spirituale conjugium contraxit ut palam est. Unde merito Innoc. in cap. Nuper supra eod. exponit illud verbum, Clericus, id est, in sacro Ordine constitutus: quasi per hoc sentiat illam Decretalem non habere locum in Clerico minorum ordinum, & eodem modo responderetur ad caput 1. infra, qui Cler. vel vocen. & ad caput Sancti Sacerdotes de Clerico conjugat. Illud enim loquitur de Diacono; hoc verò de Presbyteris qui post contractas nuptias Spirituales contraxerunt: licet invalidè, alia carnalia.

Ad contrariam partem inducitur textus hic qui non fundat se in ratione illa, quod Subdiaconus per Sacri Ordinis susceptionem contraheret spirituale Matrimonium cum Christo, ut putavit Navarrae; alias enim Subdiaconus incurreret penam de qua hic: etiam contrahendo cum unica & virgine; nam & eo casu vigeret illa ratio, quod priùs contraxisset nuptias Spirituales & deinde carnales; & tamen Doctores communiter intelligunt Subdiaconum in hanc penam non incidere contrahendo cum vi & dua, nisi illa sit corrupta: suppletentes verbum viduam: scilicet & corruptam, ne sit contra caput Sancti, illi secundo de Clerico conjugatis, pro ut hic supplet Abbas Antiquar. Holtiensis, Joannes Andreas, Bellamera & Cardinales omnes in principio in verbo Viduam & Butrius, num. 8. Quin imò hic textus si sedulo expendatur: potius excludit rationem binarum nuptiarum; nam cum dicit hunc Subdiaconum incidere in penam bigamie, non propter Sacramenti defectum: utique per hoc excludit rationem duplicitatis Conjugii, Spirituales & carnalis: quæ inducit defectum Sacramenti, cum perinat significationem conjunctionis & unitatis Christi cum Ecclesia, secundum ea quæ dicta sunt supra, num. 13. Vera igitur ratio est quæ exprimitur in textu videlicet propter affectum intentionis cum opere subsecuto, quia quantum in se fuit: Matrimonium contraxit & consummavit, ut hic & in capite Nuper supra eodem. Hæc autem ratio æque viget in Clerico minorum Ordinum, vel laico, qui invalidè contrahit propter impedimentum dirimens, atque in Subdiacono, cum in utroque adit affectus conjugii hic ponderatur: nam in Matrimoniis contrahendis non juris effectus, sed animi destinatio attenditur, ut legitur in d. c. Nuper, & in malefici spectatur voluntas, non exitus, cap. ult. 48. dist. 1. Dronis ff. ad leg. Cornel. de Sicar. & l. Sero, C. eod. secundum Innoc. in dist. c. Nuper num. 2. & Host. num. 5. Ergo quamvis textus loquatur de Subdiacono; tamen vendicat sibi locum etiam in Clericis inferioribus, & laicis qui sub dicta ratione includuntur; nam ubi ratio legis, vel Canonis est amplior, vel generalior dicto, seu dispositio, tunc ad ampliationem rationis extenditur ipsa dispositio text. est in l. Regula, §. fin. & ibi Bart. & Bald. notant, ff. de jur. & fact. ignor. & hoc pro regula constituit Cardin. in Clem. 1. num. 18. de elect. Abb. in cap. Sicut circa finem de testib. Corlece. singul. suo 23. & singul. 218. Everar. in sua centuria legali in loco ad rationem legis laica. & passim Doctores. Quæ regula procedit etiam materia sit exorbitans, & pœnalis, ut est gloss. notab. in dist. Clem. 1. in ver. Eligatur de elect. Item gloss. in cap. Curientes, §. Denique in ver. Instruatur eod. ita. & tradunt Gemin. conf. 37. Dabitur de duobus num. 6. vers. Item licet constituto, Petr. de Anchar. conf. 34. Ista allegata num. 4. & Cravert. conf. 227. Juridicus Regis.

num. 45. & 6. Ex hoc tollitur primum fundamentum contrarie sententia, quod pena irregularitatis non fit inducenda, nisi in casibus à Jure expressis, quoniam casus, de quo agitur, satis dicitur expressus in Jure, cum includatur sub generali ratione expressa in hoc cap. Ita notabiliter dicit gloss. praeleg. in d. c. Cupientes, §. Denique in ver. Instruatur, & Paul. de Cast. conf. 441. Pro declaratione n. 6. vers. Item cujus tacitus à statuto videtur expressus lib. 1. ubi notatur, ubi locum habent ut ait Calder. conf. 1. Ut lit. penden. ubi locum habent legis ratio, circa id proposita dicit debet lex, & secundum Bald. conf. 384. Statuto Christiani col. 2. lib. 5. quæ sunt ejusdem rationis includuntur sub dispositione ex significatione, id est, tanquam expressa proprie, non tacite, & sequitur Craveta, hanc partem inducitur textus in cap. Nuper supra eodem, ubi qui de facto secundam uxorem accepit, bigamie penam incurrit, licet bigamum non sit. Qui textus loquitur de Clerico in sacris Ordinibus constituto, & tamen procedit etiam in Clerico minorum Ordinum, & in laico, qui contraxit secundum Matrimonium de facto propter quodecumque impedimentum dirimens, ut tenet ibi Holt. numero 4. in verbo Clericus: qui exprèsit ponit exemplum in Clerico minorum Ordinum, qui contraxit secundum Matrimonium de facto cum consanguinea vel affine: & consentiunt ibi Joan. Andr. Card. Butr. & omnes, & in non Clerico Sil. veit. in Bigam. n. 7. v. Et Similiter, & fatetur Navarrae in præalleg. conf. 1. n. 8. Ergo eodem modo certum notat, quamvis loquatur de Subdiacono, & laicum qui contraxit cum vidua, vel corrupta de facto propter impedimentum consanguinitatis, vel affinitatis, vel aliud simile, arg. cap. 2. supra de testib. Episcopi. Et stringit argumentum, quia textus de dicitur tales non esse bigamos, sed bigamie penam incurtere & rationem exprimit non propter defectum Sacramenti, sed propter affectum intentionis cum opere subsecuto. Cum ergo hoc casus necet ad eandem ratio, quoad juris dispositionem non sunt separandi: textus in l. Illud, & ibi Oldrad. ff. ad leg. Aquil. & notat. Bald. in l. De quibus ff. De legibus, ait enim: Ubi est eadem ratio in pluribus casibus, non per extensionem, sed sicut genus comprehendit species, sic generalis ratio diversas species. Quod Baldi dictum pro eleganti referunt & sequuntur Paul. de Cast. d. conf. 441. num. 6. ad fin. lib. 1. & Cravert. conf. 173. num. 3. Et hinc patet repositio ad auctoritatem Innocentii in d. c. Nuper. Ipse enim exponit verbum, Clericus, id est, in sacris constitutus, quia textus de illis loquitur non ad exclusionem inferiorum Clericorum, sed in quantum ordo sacer est impedimentum dirimens Matrimonium: Unde ex quocumque capite proveniat impedimentum dirimens sive in Clerico, sive in laico, procedit illa decisio secundum omnes.

Tertio ad idem arguitur, quia contrahens cum duabus successivè & semel contrahens cum corrupta in omnibus æquiparatur ubi Matrimonium est validum, cap. De bigamis supra eodem, & latè ostensum est supra in 2. notab. Ergo eodem modo æquiparatur oppositum in opposito, ut l. Si ex toto, ff. De legat. 1. leg. 3. §. fin. l. 2. legat. 4. & l. Legata in fin. ff. De adim. legat. & contrariorum eodem sit disciplina, ut l. 1. ff. De his qui sunt sui vel alien. jur. cum sim.

Sed contrahens nulliter, & de facto cum duabus incurrit penam bigamie, etiam si sit Clericus in minoribus, aut laicus, ut supra proxime ostensum est. Ergo eandem penam incurrit Clericus vel laicus contrahens nulliter cum vidua vel corrupta: & revera negari non potest, quia isti duo casus æquiparantur conjungendo decisionem dist. cap. Nuper, cum decisionem textus nostri. Ex per hoc patet responso ad secundum fundamentum Navarrae, quod talis non sit bigamus verè, nec interpretativè, nec similitudinariè: nos enim dicimus contrahentem cum vidua de facto sive propter impedimentum Ordinis sacri, sive propter quodecumque aliud impedimentum fieri bigamum interpretativè per hoc cap. Sicut est talis, qui contrahit cum secunda de facto: & sic divisio illa tribus non est integra, quia in secundo membro interpretativè omittitur hæc species, quæ incurritur propter Matrimonium quomodolibet contractum de facto cum vidua vel corrupta.

Ultimò ad hanc partem inducitur theoria Joan. Andr. in dicto capite Nuper num. 5. ubi regulam generalem constituit his verbis: Quomodocumque non tenet Matrimonium conjugum, affinitate, voto vel alia quacumque causa, si de jure contractum induceret bigamiam, contractum de facto copulatum in secunda inducit penam bigamie & infra: Satis est enim quod habuerit effectum conjugii & iste effectus hic attenditur, ut dixi supra post Innocent. Sicut ergo publica honestas inducitur ex Matrimonio, quod non tenet, dummodo tenet ex consensu, de sponsal. cap. unie. lib. 6. sic ex tali Matrimonio conjugum inducitur bigamia. Hec ille. Ex eadem regulam ante ipsum posuit ibid. Holt. n. 4. in ver. Clericus & eam sequuntur Collect. num. 3. Butr. num. 8. Cardin. in 6. notab. Anchar. in 3. notab. & Joan. de Anan. num. 2. Sed Matrimonium de jure contractum cum vidua vel corrupta inducit bigamiam etiam in Clerico minorum Ordinum & in laico, ut cap. Si quis viduam 1. & 2. 34. dist. c. Quisquis 82. dist. & c. Maritum 33. dist. Ergo contractum de facto etiam in talibus inducit penam bigamie.

Et hanc sententiam sequuntur Domini de Rota decis. 1. de bigam. in nov. ubi articulo de mandato Papæ mature discussio unanimiter resolvunt Clericum minorum Ordinum, qui de facto contraxit cum vidua, esse bigamum interpretativè & egerè dispensatione Apollolica; subesse tamen jactam causam dispensandi, quia ille Clericus ignoravit impedimentum & postea Matrimonio divorciato, bona fide intravit religionem & promotus fuit ad omnes sacros Ordines & ita Urbanus VI. dispensavit propter illam decisionem, ut ibi refertur. Quamobrem sententia S. Penitentiariæ opponitur sententia Papæ, qui dispensando utique probavit tales contrahere irregularitatem bigamie & egerè dispensatione Apollolica. Eidem sententia adherent in Summa hujus tit. Goffr. & Holt. num. 3. §. Quot sunt species, vers. Quartus, Albert. in Distinctione littera B. in ver. Bigamia in fin. Alten. in Summa 2. par. lib. 6. tit. 7. art. unie. quæst. 2. Montaigne de bigam. q. 6. num. 2. vers. Quartus & ex Theologis Richard in 4. dist. 27. art. 4. q. 3. in corpore & ad primum & Petr. de Palud. ibid. quæst. 4. art. 4. num. 28. & dist. 38. art. 5. conclus. 2. in fin. num. 34. Et est communis omnium sententia, ut testatur Covarr. in Clem. Si Furiosus par. 1. §. 2. num. 2. vers. Secundo & tertio de homicid.

